

T5413/4454(10)

10

CHINA - JAPANESE LIBRARY
HARVARD - YENCHING INSTITUTE
AT HARVARD UNIVERSITY
OCT 10 1952

〇〇蘇民困疏



苑洛集卷之十三

蘇民困以保安地方事



浙江筆 提刑按察司僉事

謹

奏為蘇民 以保安地方事 臣 巡歷至嚴州府建

德等縣杭州府富陽等縣地方據軍民人等稟

稱本處地方雖出魚鰾茶綾等物人民艱苦肆

府太監差人崔督擾害地方雞犬不得安生要

行禁約 照前項魚茶綾鰾係供用

之物未敢 鎮守太監王堂市舶太

監崔瑄織 督造太監張玉各差叅

隨人等在

地方催攢前項進貢固

已勒要收頭

才有司官吏及糧里人

等倚是貢物

私察任意科歛地方被害人

不聊生而

太監伴貢之物動以萬計是

陛下所得者壹而太監即所得者拾參隨人等所得

者百有司官吏所得者千糧里人等所得者萬

利歸於私家怨歸於

朝廷上供者一而下取者萬況此等之物品不甚

奇味不甚美何足以供

陛下之用哉及照建富華縣地方地瘠民貧山枯乏

樵獵之饒江清鮮魚鰕之利兼以近年以來水

旱相仍徵科肆出軍民困瘁已極故前歲流民

相聚為亂一呼千百幾生大變幸賴無捕而安

今尚洶洶未靖往事在鑑實可寒心伏望

陛下勅下該部將前項貢物特從停止仍行巡按鄉

史并按察司及該道分巡官揭榜戒諭今後敢

有指稱進貢名色在於各地方需索財物騷擾

為害應參奏

有治應拏問者徑自拏問

庶民困可蘇

保無虞矣為此專差謹

具奏

聞

正德拾壹年肆

日

戶禮部

在免後鎮守等太監奏以

慎刑獄以光新政事

山東等處承宣布政使司右叅議臣

謹

奏為慎刑獄以光新政事臣聞刑者人主治天

下之大防而天下治忽所由係書稱堯舜之治

至於四方風動其究歸於臯陶象刑之功故刑

者人主之所當重慎而不可忽者也國家法古

制刑內則總之三法司外則總之提刑按察司

後又特差監察御史審錄都御史巡撫且皆付
以糾察之寄其法詳且盡矣至於錦衣衛之設
蓋以待夫隱罪極惡

天子非時震怒特遣下之非以為常者也然其制

列聖相承止行於畿內至正德貳年以來權姦相繼

用事假此報復私讐中傷善類用張淫威迫脅

海內官校紛紛而出所在有如豺虎破家亡身

者郡邑相望可洵幾至大亂使非

聖明繼世中興革而下未可知也近者

聖母駕過山東高唐金波供應有缺

陛下詔錦衣衛官校

師天下謬然驚疑謂

聖明在上亦復有此

小官何足以動天下之

聽聞而錦衣

京拏人則固天下聽聞之

所係也伏望

陛下特宥金波之罪自後在外府州縣官有犯付之

按察司三司官有犯付之撫按官撫按官有犯

付之三法司如此則內外相承體統不紊罪皆

閱實孰可逃刑哉臣以外服之臣乃敢塵穢

聖聽罪誠難追但臣山東方面官高唐臣山東屬州

金波臣山東屬官

陛下差錦衣衛官校拏人自臣山東始故敢輒肆狂

瞽以獻芹暴惟

聖明采擇焉為此專差謹具奏

聞

正德拾陸年拾壹月

日

都察院覆題先是撫按三司皆認罪特出巡在外不知也奏下撫按三司皆不悅遂自陳致仕

自陳不職

賜罷黜以消

天變事

大理寺左少

奏為自陳不

〇〇 自陳罷黜疏

賜罷黜以消

天變事適者彗星

陛下既躬盡克謹

又命羣臣痛加修省臣惟以

入動天惟刑為甚速天下典刑之官惟大理寺

為甚要昔之人所以壹婦啣冤遂致大旱而廷

尉稱為天下之平也稱斯職者必得仁明平正

之人而後可如臣之凡庸愚昧豈能堪此要任

曠官尸位上干天和彗星之變臣有其咎伏望

皇上將臣速賜罷黜以消天變之壹端也臣不勝戴

罪恐懼之至為此親齋謹具奏

自陳不職乞

聞

嘉靖拾壹年捌月

自陳不職乞 賜罷黜以公考察事

巡撫宣府等處地方都察院左僉都御史臣

謹

奏為自陳不職乞 賜罷黜以公考察事臣惟

國朝舊例兩京官員每遇陸年壹考察肆品以上

皆令自陳不職者留之不職者退之此誠黜陟

幽明之盛典也今臣待罪都御史之官誤膺巡

撫之任受兵民之寄假便宜之權况宣府壹鎮

擁衛京師當貳虜之衝制伍路之將使非有達
機應變之才其何以勝重而致遠也伏念臣駑
駘之品驅策固已不前而蒲柳之姿衰病又加
日迫知足之念每懷於平時而揣分之誠尤切
於今日顧惟車非其馭則輻脫而載傾鼎非其
器則足折而餽覆如臣之凡庸綿薄而叨此重
大之任豈不遺地方之患負

恩遇之隆哉伏望

皇上俯賜

宸斷將臣黜罷則大明之典協成周之公而熙績之

功邁有虞之盛矣為此親齎謹具奏

聞

嘉靖拾貳年貳月

日

乞給馬匹以實營伍事

臣謹

奏為乞給馬匹以實營伍事臣惟防邊御虜截殺

敵

追襲莫要於騎兵今宣府壹鎮累年以來倒損
馬匹數多且無馬官軍中間殊有驍勇善騎射
之人若選而用之給之以馬皆為精兵則是給
壹馬即增壹兵故邊人有言出軍不如發馬此

〇〇乞給馬匹疏

誠達機知實之語也况今大虜臨境時出輕騎
欲行擄掠而騎兵尤所當急伏望

皇上軫念宣府地方為擁衛京畿重鎮

勅下該部於太僕寺給撥馬四五千匹則卒然之頃
即增四五千精銳之兵矣為此親齎謹具奏

聞

嘉靖拾貳年叁月初叁日 給馬三千匹

〇〇預處邊儲疏

預處邊儲以濟缺之以備急用事

臣謹

奏為預處邊儲以濟缺之以備急用事臣聞糧多

則兵自強士飽則氣自信苟糧乏而士餒則雖
孫吳之智無以施其謀昔獲之勇不能致其力
故糧者三軍之司命而凡行師者必以為急者
也臣據宣府公差人員節次稟報去冬河凍之
時北虜大衆渡河而東即今分散輕騎於各隘
口潛駐或晝或夜窺我無備即行擄掠必須隨
處發兵按伏且聞走回人口報稱虜中約會大
衆欲要南侵雖夷情詭詐未可全信察其事勢
草生之時必然大舉深入今本鎮歲額錢糧僅
足軍士月糧之支雖有先年所買之糧若虜果

大舉而來必當調集客兵防禦截殺而所買之糧尚不足客兵之用至於按伏之糧全無措備必待臨期糴買則米價騰踊所費多而得糧少若於成熟之時預爲處置則每銀壹兩可以得貳兩之用所費少而得糧多其月支之糧雖名爲壹石然除本色外其折糧之銀或米捌錢或陸錢以上其實每月止得糧米捌斗伍陸斗所以士多饑色心恒怨咨夫以饑色之人而懷怨咨之心乃欲責其奮勇效死以赴敵者未之聞也伏望

聖明勅下該部於太倉動支銀貳拾萬兩解赴本鎮管糧郎中處交收聽臣等乘時糴買以爲按伏客兵之支其軍士月糧當春夏米價太貴之時全支本色如此則糧多而士飽以攻則勝以守則固矣爲此專差親齎謹具奏

聞

嘉靖拾貳年叁月

日發銀捌萬兩

舉將才以裨邊務事

臣謹

題爲舉將才以裨邊務事臣自到鎮以來即以將

才爲事留心訪察似得其真然臣又以爲干城
之將不可以貳耶棄蹄齧之馬乃能致千里故
取其所長而畧其所短恕其既往而責其將來
則人皆有可用之才苟以壹事而棄其平生以
壹時而擯於沒齒斯下無全人而臨事有才難
之嘆矣臣鎮所屬武臣其謀勇著聞才力通敏
而罪過無累者臣固舉之其雖因事罷閒而謀
勇足稱才力有爲者壹併奏

聞以候

聖明采擇焉臣訪得萬全都司軍政都指揮僉事王

鎮坐營武舉都指揮同知梁桓此皆可以任遊
擊而統援兵領叅將而守壹路者也保安衛掌
印指揮使郭梁宣府右衛軍政管屯指揮使趙
鏜宣府前衛掌印指揮同知俞鎮龍門衛掌印
指揮同知信乾懷來衛掌印指揮同知陳綱此
皆堪爲大城守備保固疆場者也至於革任叅
將都指揮僉事李彬勇號萬人之敵各路之守
將皆出其下革任守備隆慶左衛指揮僉事劉
環名擅壹時之英各城之守備莫之或先二臣
者若使復其原職建立必有可觀此其曖昧之

過註誤之失在所當畧者也如蒙

勅下該部再加訪察如果臣言不妄將王鎮等擢用李彬等錄用則於邊務亦可少有裨補矣緣係舉將才以裨邊務事理具本專差謹題請

旨

嘉靖拾貳年柒月拾貳日

分守官員兼理道事以裨地方事

臣謹

題為分守官員兼理道事以裨地方事臣會同巡按直隸監察御史議照宣府大同皆西北重鎮

〇〇分守官疏

宣府地方伍路參將肆拾貳城堡大同地方參路參將壹拾柒城堡而大同原設有布政司分守官壹員按察司分巡官壹員壹府肆州柒縣又設有掌印佐貳首領官員今宣府止設僉事壹員貳州壹縣况宣府兵馬之衆錢糧之多事務之繁比之大同又加參之壹而所設之官無大同參之壹僉事幹理固已不周及遇陞黜事故缺官又復動經數月深為未便再照繁簡隨平時因革通其變宣府地方歲入百萬凡各路城堡召商糴買殆無虛日夫利之所在弊緣之

生利積則爭訟日起弊久則巧偽日滋由今視昔繁簡大殊因時拯弊幾在今日而大同布政司分守官事亦簡少宣大貳鎮地方相去不遠分守官可以兼理貳鎮事務如蒙

勅下該部再加議處如果臣言可采行令大同布政司分守官兼理宣府事務昭例依期交代或添設叅議壹員於山西布政司列銜如本鎮僉事事例僉事行分巡事分守官行分守事各官如或有缺更相帶管如此則上下相承體統有等政務可以振舉而地方亦有少裨矣緣係分守

官員兼理道事以裨地方事理具本專差謹題
請

嘉靖拾貳年米月貳拾米日

敦軍大缺盈甲器械不便瞭報防守事

臣謹

題為墩軍大缺盈甲器械不便瞭報防守事節該
欽奉

勅諭命爾巡撫宣府等處地方整飭邊備訓練軍馬俱要衣甲整齊器械鋒利欽此已經通行各路分

30 添備盈甲疏。

守叅將欽遵督同守備等官即將軍士衣甲器
械壹壹點視其有損壞者修補製造應自備者
責其自備應官給者在官給與其旗幟金鼓有
損舊者悉與更換務要鮮明響亮仍將查勘修
補製造更換過數目開報通行去後日久未據
回報又經節次催查近准分守東北中西南伍
路左右叅將馮勳李懋都勳郝鎮劉江手本各
稱查得所屬墩臺隘口守墩軍士原關盔甲什
物委因年久破爛不堪并節年被虜踈失各路
通共缺少盔六千六百八十頂甲七千二百二

十二副腰刀三千六百一十八把等因到臣為
照各路守墩軍人共八千五百二十九名今缺
盔者至六千六百八十名缺甲者七千二百二
十二名缺腰刀者三千六百一十八名是數千
人者皆赤身空手之人也臣為之警訝慨嘆不
意邊備之廢弛壹至於此臣惟宣府壹鎮擁衛
京師去虜賊駐牧之地甚近視各邊最為要緊
而墩軍日與虜賊相臨所恃以典司砲火傳報
聲息把截隘口助揚軍威使虜賊不敢以深入
者統諸軍尤為要緊者也顧可使之赤身空手

以當之哉臣嘗因各管墩官申報墩軍下墩取水及走報聲息往往為參伍來賊即行擒去或在墩上為賊射傷臣竊疑之本鎮墩臺甚密相去不過二三里舉旗發砲鄰近各墩及設伏之兵二三十人卒然可具遇三五來賊來擒墩軍縱不能斬獲追逐而應援救護力亦所能何至為之擒去且賊在墩下軍在墩上身披堅甲墩上又有女牆遮蔽自下而上仰而發矢何至射傷孰知其盔甲器械之不備如此夫盔甲所以衛身器械所以攻人今皆無之以赤身空手之

人而遇強敵雖百不能以當一豈其擒去射傷固其宜矣古云器械不利是以其卒與敵也况皆無乎言之可為痛哭思之可為寒心不可不亟為之處也再照西路城堡極邊衝要處不時出沒已經量給過盔甲腰刀各八百件隨查得萬全都司見在貯庫盔三百六十六頂甲三百五十七副腰刀五百四把并收先年京操官軍帶回堪中盔八百九十九頂甲四十六副腰刀五千三百五十三把及京營充調軍器盔壹千九百一十七頂甲一千九百四十七副腰刀二

千一百四十八把除腰刀可勾支用惟盔甲在
庫數少不敷如蒙乞

勅兵部查議合無准令將前各項軍器支給其欠少
之數於該部見收盔甲內扣算照數發運前來
聽臣分給各路墩軍收領其各路損壞不堪盔
甲腰刀收送都司堪修補者修補查候腹裏軍
人有缺者給付度守墩軍人衛身攻人各有其
具而瞭報防守兩便矣緣係墩軍大缺盔甲器
械不便瞭報防守事理未敢擅便為此專差謹
題請

題請

○ 南洋文疏

員

嘉靖拾貳年捌月貳拾陸日

鄰境官軍殺死總兵官員事

臣謹

題為鄰境官軍殺死總兵官員事嘉靖拾貳年拾
月初玖日辰時分據大同巡撫都御史差來夜
不收劉名報稱拾月初陸日叁更時分本城官
軍聚眾放砲吶喊將總兵官李瑾殺死及將本
官公廨燒燬等因得此會同總兵官都督僉事
議得大同官軍聚眾殺死總兵官燒燬公廨地

方大變除行各路叅守等官申嚴號令整朔人馬嚴為隄備盤詰姦細外緣係鄰境官軍殺死總兵官員事理為此專摺謹題

嘉靖拾貳年拾月初玖日

怯懦將官燒荒遇賊奔敗事

臣謹

敬

題為怯懦將官燒荒遇賊奔敗事據宣府在城坐營管操都指揮僉事朱彬呈據把總千戶孫鎮等呈稱本年拾月初壹日蒙鎮守總兵官劉淵

統領坐營都指揮朱彬等官軍參千餘員名前往中路青邊口堡燒荒至本月初貳日卯時分與同本路叅將都勳守備操守官楊鉞王勳斬尚武張輔等人馬俱從本堡大變新臺西空出境都勳領兵前哨朱彬等後哨相繼行走至未時分哨至地名紅崖兒等處與張家口堡燒荒宣府遊擊王鎮南路叅將劉江人馬會合仍分兵各從原路回還朱彬等當先都勳等人馬繼後各責令夜不收四散燃火至地名大莊窩被南山溝內潛伏連賊約有貳拾餘騎乘隙風煙

○ 怯懦將官
○ 燒荒
○ 遇賊
○ 奔敗
○ 疏

前賊突出拍馬喊叫衝來各官軍并參將都勳
帶領有馬官軍往東混亂跑走遺下步軍被賊
邀追射砍當蒙總兵官劉淵坐營官朱彬督率
職等官軍齊力奮勇與賊兵刃相接射重來賊
拖拉去訖將步軍馬匹救入營內復督官軍追
至紅崖兒其賊敗遯山林趨避欲再窮追山河
艱險樹林深密時值天晚恐墮賊計收兵回還
查得本管並無疎虞若不具呈及思官軍怯懦
跑走儻將本管人馬驚亂致失大事臨難分辯
呈乞轉達等因備呈前來行間隨准分守中路

左參將都指揮使都勳年本嘉靖拾貳年拾月
初貳日卯時蒙鎮守總兵官劉淵統領宣府并
本路官軍從青邊口新臺西空出境燒荒分布
本職等前哨行至地名紅崖兒等處離邊約遠
柒拾餘里各下營劄立傳令官軍發火焚燒至
未時分起營回還總兵官劉淵前行本職收兵
後行至地名大莊窩迤西比時煙霧蔽天忽被
南溝林內突出達賊貳拾餘騎拍馬喊叫來衝
本職督令官軍下馬各用神鎗弓矢射打當有
總兵官劉淵急來救援復督官軍齊力奮勇射

打傷重數賊以見我兵勢衆大慌張奔走往西北去訖欲要追趕山險林密河道阻隔恐墮賊計收兵入境續據葛峪堡守備指揮楊鉞呈稱查得被賊射傷旗軍參名劉剛崔恕武三射死軍人李小天下馬壹匹操守常峪口堡指揮靳尚武呈稱查得被賊射傷軍人貳名田仲禮周小柴操守羊房堡指揮王勳呈稱查得被賊射死軍人壹名潘永倉倉去本軍下馬壹匹神鎗壹把再無別項踈虞又據操守青邊口堡指揮張輔呈查得本堡並無損傷官軍馬匹等因

各呈到職恐有漏報取具各官不致隱漏結狀在官等因備具手本到臣會同巡按直隸監察御史參照左參將其當燒荒之際敵為殺後之軍提數千之精兵遇貳拾騎之敵兵刃未交聖風退縮致諸軍之大敗而四散奔逃使敵之長驅而縱橫出沒重為邊境之羞益驕胡敵之志良以本官才本凡庸性復怯懦惟平昔之威名久振故臨陣之紀律不嚴及至報緣由又多隱匿情實圖脫重罪肆虛文再照守備操守等官其各提壹堡之兵同為奔北之將使當

時有壹人負勇而自立則諸軍必不至相視而
大潰通屬有違法當叅究如蒙

勅下法司將其等依律從重究治庶邊臣知警而軍
威可振矣緣係怯懦將官燒荒過賊奔敗事理
未敢擅便為此專差謹題請

嘉靖拾貳年拾月拾壹日

親王至鎮欲要赴 闕事疏

臣謹

題為

親王至鎮欲要赴

闕事嘉靖拾貳年拾月拾壹日午時有

代府承奉吳聰齋

王令帖到臣內開為叛逆軍人兇惡逼迫私出
禁城親詣赴

闕事嘉靖拾貳年拾月初陸日晚叁更時分本爵在
宮聞知城中放砲納喊差人門首打探言說軍
士燒燬總兵官都察院門及至天明將總兵官
李瑾殺死將總兵官及都察院衣服等件盡行
搶去又將各店客貨亦行搶去有經過府門者

言說要本爵與他做主於初柒日申時分將各處修邊按伏軍馬調入城中本爵慌懼引領承奉吳聰襲衣小帽就混入於衆人之中從北門而出前至金谷莊潛伏壹更時分將管庄人王宣帶領跟隨前至四家莊將管庄人宋景春亦隨前來至順聖川西城劉參將容暫壹宿初玖日起身有總旗張文錦楊達因在東井村催糧亦隨前來等因到臣至本日未時臣謹迎王入至鎮城臣慰安及整備壹切供用外會同總兵官都督僉事看得大同軍變

王因出至臣等鎮城實不得已但要親詣赴

關未奉

明旨臣等啓

王留住鎮城候

明旨以為進止緣係

親王至鎮欲要赴

關事理臣等未敢擅便為此專差謹題請

首

嘉靖拾貳年拾月

實邊鎮以振兵威以防虞患事

〇〇振兵防敵疏

臣謹

題為實邊鎮以振兵威以防虜患事據萬全都司
坐營管操都指揮僉事朱彬呈稱照得宣府在
城前後營并奇兵新舊遊兵營原設馬隊官軍
壹萬肆千餘員名聽征馬壹萬貳百餘匹近因
大同軍變蒙將奇兵營舊遊兵營新遊兵營并
將前後營及南路叅將兵馬盡數調去及北中
西各路精壯官軍亦摘選通行征勦大同止遺
前營走報夜不收并存留傳報各處城堡擺撥
等項官軍壹千餘員名日逐差遣不暇馬匹節

軍兵

漸疲憊况今虜中走回人口傳說大舉連軍要
來搶掠及邊報聲息絡繹不絕倘遇警急動調
追勦深為未便如蒙准呈乞早裁處庶克濟事
等因到臣為照去歲冬間大虜渡河而東特
命文武大臣總制提督軍務且調遼東延綏之兵以
為應援蓋為宣大貳鎮預防虜患而設今總制
提督既專意西征大同臣鎮奇兵舊遊兵新遊
兵南路叅將兵遼東延綏兵既盡數調去而前
營後營及中北西各路精銳之兵謀勇之將亦
各抽選而去本鎮止留奇兵壹千餘名又近日

使者交馳錢糧解發往來護送日見疲損操演
且不能以成陣況遇警禦敵而可責其成功也
哉倘北虜乘虛而來雖孫吳不能支而況臣輩
凡庸者乎兵法曰勿恃其不來恃吾有以待之
今待之者無具矣豈可不爲之預處耶臣查得
本鎮步軍倒死馬軍及壯餘人等綽有驍勇之
人若授以什物給以馬匹數千精兵旬日可具
所缺者馬耳如蒙

勅下兵部議處將太僕寺馬匹給發貳叁千匹聽臣
抽選前項步馬壯餘人等給授之編成司隊作

爲壹營又臣本鎮嘉靖拾壹年拾貳年馬價共
該肆萬兩不曾解發再乞

勅下戶部將前年例銀兩照數差官解送臣鎮收買
馬匹置辦什物亦給抽選前項步馬壯餘給授
之編成司隊作爲壹營但馬數甚多恐壹時收
買不及合無將前項銀兩內取叁萬轉發兵部
每銀拾伍兩折馬壹匹給發前來壹萬兩徑解
臣鎮爲置買什物及本鎮買馬之用臣仍於本
鎮空閑叅守都司等官中推選謀勇著聞之人
貳員統領之待事寧之日分撥前奇新舊遊兵

選軍給馬疏

諸營補其逃亡之數如此則不惟可以為本鎮防虞之備亦可以遙為進征大同諸軍之聲援此亦救時之一策也臣叨承撫寄事在剝膚故敢昧死上陳惟聖明鑑察焉緣係實邊鎮以振兵威以防虜患事理未敢擅便為此專差謹題請

旨

嘉靖拾貳年拾壹月

日

選軍給馬暫團營伍以實邊鎮事

臣謹

題為選軍給馬暫團營伍以實邊鎮事會同總兵官都督僉事議照本鎮近因大同事變兵馬多調西征本鎮實為空虛臣等謹便宜會選得無馬軍人及步軍壹千肆百叁拾肆名從公推選得空閑都司李淮才力有為謀勇可取暫委為千總職事試驗得指揮千百戶旗舍陸拾陸員名俱各年力精壯弓馬熟閑指揮等官范紹宗等陸員為把總職事千百戶旗舍李陞等陸拾員名為管隊貼隊職事及置買旗招響器馱鼓長鎗柞木等項俱已完備每把總肆員旗軍壹

千名作為壹營就令李淮統領以聽征調其餘
官軍亦令李淮暫管候足千人之數別選謀勇
官員委為千總職事統領另行具題事寧之後
仍令各歸本伍綠條選軍給馬暫團營伍以實
邊鎮事理未敢擅便為此專差謹題請

計開新選過官軍壹千伍百壹員名

官陸拾柒員

旗軍壹千肆百叁拾肆名

千總都指揮僉事李淮

把總官陸員

指揮伍員

范紹宗 洪銘 朱達 奚讓 姚甫

千戶壹員 江旻

管貼隊官旗舍陸拾員名

管隊官旗叁拾員名

千戶叁員 李陞 周泰 王縉

百戶貳拾肆員

劉成 聶雲 劉錦 郭奉 袁斌

趙堂 李湯 戴鉞 杜江 賀伏

趙定 任堂 高爵 栗堂 周彥清
魏宗 崔琦 張進 趙玉 畢永
張聰 趙相 冀聰 程嵩

貼隊旗舍叁拾名

總旗貳拾柒名

李堂 劉傑 賈鸞 李堂 楊玉
張洪 張見 褚顯 蘇錦 趙守中
劉月 董斌 王堂 葉堂 董士中
王見 程舉 劉堂 張錦 張添祿
鄭潛 周讓 梁錦 王堂 史仲賢

楊璽 盧仲玘

舍人叁名 李時 江全 施洪

壹定派過夜不收官軍伍拾貳員名

官貳員 李堂 李湯

軍人伍拾名

前哨官軍貳拾壹員名

官壹員 李堂

軍貳拾名

後哨官軍壹拾壹員名

官壹員 李湯

軍壹拾名

左哨軍人壹拾名

右哨軍人壹拾名

壹領過器械共肆百玖拾玖副杆

中軍用

高招壹杆

坐纛壹杆

響器伍副

馱鼓壹拾貳面

隊伍用

招旗每隊壹杆共叁拾杆

長鎗每隊壹拾杆共叁百杆

柞木每隊伍副共壹百伍拾副

嘉靖拾叁年正月貳拾貳日

逆軍引誘虜賊大舉入寇鄰境預防邊患事

臣謹

北敵

也

題為逆軍引誘虜賊大舉入寇鄰境預防邊患事

本月貳拾日據遊擊將軍夏杲差夜不收孫良

報稱大同逆軍引誘北虜伍萬有餘至大同城

下將遊擊將軍王鎮等殺敗即今賊尚未退貳

拾貳日又據巡撫大同樊都御史差來齎本百

戶鄭鎮稟稱即今北虜大衆尚在大同城下分

預防邊患疏

遣精銳參千餘名南搶應州等處自聚落堡至
大同城下道路不通貳拾叁日又據擺撥軍人
任福玉傳提督軍門號令運糧之車且不必來
本日又據夜不收劉章報稱東關宣府參將李
彬兵北關宣府副總兵張鎮兵參將劉江兵俱
被圍困六日未支糧料先據宣府分守東路右
參將馮勳稟帖開報拾陸日大舉連鞞從永寧
邊方擁眾入境本職統領官軍林錦等急出迎
敵不料賊眾兵寡混砍壹處倡令我兵捨命對
敵占據山梁傷重賊人賊馬數多俱被鈎馱內敵

賊漢語叫說不要放箭與你答話你們人馬去

關大同我大那顏也來了先使參箇頭兒領眾

連鞞搶殺等語據此切詳所言中間顯有姦細

復寇之舉旦夕難測除對敵緣由另行呈報等

因各到臣會同總兵官都督僉事議照大同逆

軍引誘北虜大舉入寇直抵城下敗我官軍駐

兵不退且分兵搶掠圍困諸將阻絕餉道似與

尋常入寇不同臣恐大同既已得利必寇宣府

縱或暫回其勢草生凍解必然大舉分寇宣大

兩鎮而東虜亦有大那顏引兵也來之說及照

近因西征大同臣鎮奇兵舊遊擊兵新遊擊兵
南路叅將兵盡行調去而前後營及各路精銳
之兵謀勇之將亦行摘調臣鎮實為空虛夫以
大同城下京營及各路兵馬林立雲集尚且敗
挫不支而况空虛之宣府哉且虜中既有遊軍
為之畫謀鄉導則我各邊之虛實夷險皆詳
知其大舉入寇必然之理也夫以壹北虜大同
城下數路之兵不能支若東虜入自東路北虜
入自西路壹宣府豈能支哉夫宣府者大同之
根本京師之隄防也大同雖已失利苟宣府無

事則猶可據此以圖再舉而京師亦不至於震
驚儻宣府亦復失利譬之根本既枯枝葉無從
而生隄防既決下流必受其害則大同不可圖
而京師之勢孤且危矣况大同城下衝鋒處險
被圍被殺張鎮劉江李彬王鎮部下皆宣府調
去之軍則宣府之虛豈但目前而已哉臣等叨
承重寄鎮撫壹方事在剝膚心誠危懼故敢昧
死上陳伏望

皇上軫念邊方重鎮

勅下該部會集多官從長計處將新調延綏遼東之

兵發與臣鎮聽臣等調遣節制仍再調別鎮兵馬防禦及多給馬匹聽臣等選軍給授如此庶乎有備無患而邊境可保無虞矣緣係逆軍引誘虜賊大舉入寇鄰境預防邊患事理未敢擅便為此專差謹題請

嘉靖拾叁年正月貳拾肆日

又缺極邊要路叅將官員事

臣謹

題為久缺極邊要路叅將官員事臣會同總兵官

叅將官員事

都督僉事議照南路叅將劉江中路叅將李彬因大同軍變調去西征及照前項貳路係極邊要地當虜賊之衝而叅將官員外以防禦寇敵內以聯絡諸城壹時所不可缺者今既逾時改歲矣况今臨境軍變大虜壓境又非平時之比也臣等雖委官暫管然止可於平居無事之時奉行文移幹理政務而已若夫遇警臨陣諸委官固不能致身於他人之職而諸軍士亦豈能效死於暫委之官哉此固理勢之必然也臣等嘗見雖諸司卑微之職壹遇暫委政務輒廢况

參將受

朝廷之勅當壹方之寄掌握兵權攘外安內豈可
久以權假之官居之哉况劉江李彬素有謀勇
既去西征他日功成報捷當膺賞擢亦必不復
居舊職矣如蒙

勅下該部再加議處推選素有謀勇之人領
勅前來管領貳路兵馬惟復

聖明別有裁度緣係久缺極邊要路參將官員事理
具本事差謹題請

嘉靖拾叁年貳月

日

選軍給馬暫團營伍以實邊鎮

臣謹

題為選軍給馬暫團營伍以實邊鎮事會同總兵
官都督僉事議照本鎮先因大同事變兵馬多
調西征已經會選得無馬軍人及步軍壹千肆
百叁拾肆名推選得空閑都指揮李淮為千總
指揮等官范紹宗等陸員為把總千百戶旗舍
李陸等陸拾員名為管隊貼隊及置買旗招響
器馱鼓長鎗柞木等項俱已完備每把總肆員

旗軍壹千名作為壹營就令李淮統領以聽征
調其餘官軍亦令李淮暫管緣由先已具題訖
臣等今復會選過官軍伍百陸拾貳員名并前
餘剩軍士肆百叁拾肆名把總管貼隊官旗貳
拾貳員名共奏壹千之數從公推選得空閑指
揮同知路鏜久歷邊方熟知邊務暫委為千總
職事試驗得指揮千百戶旗舍貳拾肆員名俱
各年力精壯弓馬熟閑指揮等官王清等貳員
為把總職事官旗舍孫清等貳拾貳員名為管
隊貼隊職事壹體置買旗招響器馱鼓長鎗柝

木等項就令路鏜統領以聽征調事寧之日各
歸本伍緣係選軍給馬暫團營伍以實邊鎮事
理開坐具本專差謹題請

青

計開新選過官軍壹千壹拾捌員名

先次餘剩官軍肆百伍拾陸員名

今次選過官軍伍百陸拾貳員名

官旗舍貳拾伍員名

軍人伍百叁拾柒名

千總指揮同知壹員 路鏜

把總貳員

指揮壹員 王清

百戶壹員 徐碧

管隊官旗舍壹拾壹員名

孫清 王雲 鄭真 陳鉞 劉經

郭文 董陽 施經 楊琦 趙景

徐淮

貼隊旗舍壹拾壹名

王漢 李鸞 劉杲 崔堂 折威

楊堂 徐俊 陳鉞 楊貴 閻堂

李鳳鳴

嘉靖拾叁年閏貳月

日

地方疲憊乞處稅糧以蘇民困事疏

臣謹

題為地方疲憊乞處稅糧以蘇民困事臣會同巡

按直隸監察御史議照本鎮地方懷來衛隆慶

右衛隆慶州永寧縣保安衛美峪所宣府鎮城

衛所萬全左衛懷安衛保安右衛東城西城深

井等處近因大同事變征需調發百倍往時凡

軍需火器糧料草束及壹切攻戰之具皆係本

蘇民困疏

鎮運送兼以使者交馳大軍經過宗室流寓
車牛夫馬動以萬計家無閑丁役及婦女日無
寧時繼之以夜差役固已繁重况其時天寒地
凍雪深水滑損傷者不計其數又以極邊之地
人無多蓄數月之間閭閻困瘁前項地方嘉靖
拾叁年稅糧已蒙

聖恩蠲免伍分其該徵伍分委的辦納不前再照地
方固所當卹國儲亦所當惜臣等查得萬金都
司庫內所貯歷年椿朋年例及近日兵部貳次
發下馬價銀兩以往年歲驗馬匹計之可足嘉

靖拾叁年拾肆年拾伍年叁年之支况各年又
多有朋合年例銀兩雖肆年之支亦且有餘去
年戶部解到拾壹年年例銀貳萬兩見在如蒙
勅下該部再加議處將前項地方伍分稅糧蠲免將
前項各部年例銀貳萬兩發管糧郎中爲接濟
軍儲之用如此則地方旣得蘇息而國儲亦可
以少補矣萬民幸甚臣等幸甚緣係地方疲憊
乞處稅糧以蘇民困事理未敢擅便爲此具本
事謹題請

青

卷之三

三

備倉糧疏

嘉靖拾叁年肆月

日

議處年久浥爛預備倉糧以濟時艱事

臣謹

題為議處年久浥爛預備倉糧以濟時艱事據宣
府前衛申據本衛預備倉委官見監鎮撫劉鎮
等各呈告白嘉靖貳年起至嘉靖拾叁年肆月
終止除放支外見在倉廳細糧伍萬伍千叁百
捌拾叁石叁升肆勺捌抄陸撮玖圭在敷盛放
年久節蒙查盤踏躡虧折坐問侵盜經收人員
晝夜思慕性命尤閑裁糧為重地氣濕浥米粒

日漸蟲食經年看守有損無增愈加致累不得
聊生等情具申定奪等因到臣行問續據宣府
左衛申開預備倉委官見監千戶楊欽見任千
戶竺雄等名下見在廳細糧壹萬捌千伍百貳
拾玖石玖合捌勺宣府右衛申開預備倉委官
見監千戶尹鸞見任千戶李政等名下見在廳
細糧捌千肆百捌拾貳石捌升柒合伍勺伍抄
貳撮興和守禦千戶所申開預備倉委官百戶
李雄等名下見在廳細糧叁千伍拾石柒斗捌
升叁合肆勺肆抄叁撮亦各稱年久日有壞爛

無支放之期又據千戶王鎮開稱在城時估每
絲銀壹兩糴粟米捌斗又據軍人郭驢兒等亦
稟稱米價甚貴正當青黃不接之期折色糴米
養贍不足乞要放支本色等情通據得此臣會
同總理糧儲戶部郎中議照前項倉糧委因年
久滯爛經收人員問罪追陪徃徃至於破家亡
身其見在倉糧臣等取而視之委將滯爛日下
青黃不接時值委為太高軍士糧價月止陸錢
伍分糴糧不過伍斗委於養贍有所不足又召
商糴買銀壹兩叁肆錢方可得糧壹石而米價

愈至於騰踴若不因時議處何以克濟時艱合
無將前項倉糧借支給與本城軍士作為月糧
候秋成之時將萬億庫所貯軍儲銀兩糴買抵
斗還倉如此則壹轉移之間有伍便焉以陳朽
而得新好國儲不至於有虧壹便也軍士得受
其實惠而不至於怨咨貳便也富商不得專大
利而時估可平叁便也所費之銀少而得米多
肆便也經收人員不至卸寬負枉破家而亡身
伍便也再照倉糧之滯爛米價之高貴軍士之
缺食不特鎮城壹處為然在各邊亦多如此而

米價之貴又有甚於鎮城者亦合通行從宜酌處如蒙

勅下該部再加議處如果臣等所言可采乞俯賜施行則臣等幸甚地方幸甚緣係議處年久滯爛預備倉糧以濟時艱事理未敢擅便為此具本專差謹題請

旨

嘉靖拾叁年肆月貳拾玖日

安設兵馬防禦虜寇以明烽堠以固地方事

臣謹

題為安設兵馬防禦虜寇以明烽堠以固地方事
案照先據萬全都司呈將估計過懷安城李信屯新築土堡壹座設蓋公廨倉場營房等項該用木鐵筆料共銀壹千叁拾柒兩壹錢柒分壹釐等因備細造冊繳報前來據此案照先據守備懷安城指揮同知周鏜呈稱本城西北地名李信屯與隔鎮大同新轄天城邊界相去五十餘里地方平漫各年連賊往往乘隙由彼邊方入寇我境多被殘害合無修築土堡壹座設立墩臺撥軍防守等情已經行據守備官周鏜將

各項該用物料銀兩數目估計呈報又經案行
該司估計明白臣會同巡按直隸監察御史議
照前項李信屯地方係兩鎮交界之衝兩山俱
盡之所實慮賊由大同地方入寇宣府咽喉之
地若於本屯地方設堡立墩斬崖築牆屯兵戍
守則慮賊必不敢長驅而下以寇西南貳路地
方而意外隱憂亦可為備誠有如守備周鏗之
所言者既經該本官與都司估計停當相應依
擬除行文都司將修築土堡設蓋倉場公廨等
項通共用銀壹千叁拾柒兩壹錢柒分壹釐於

官庫見收節年農民銀內動支壹千兩贓罰銀
內支領叁拾柒兩壹錢柒分壹釐選委的當官
員買辦木鐵等料如法造作匠役於預備倉每
名驗日支給口糧壹升伍合起撥無馬軍士借
倩屯田空閑舍餘輪班修築其築堡占用屯田
地畝有糧地土於別項無碍地內照畝易換撥
給該用防守軍士叁百名查照先准兵部咨該
南京浙江道監察御史喬英奏本部議擬題准
移咨各邊巡撫都御史轉行所屬衛鎮守巡等
官但有額缺正軍清勾補伍其舍餘軍餘果有

年力精壯通曉武藝情願竭忠報效之人查照
各邊軍丁收操事例量給月糧隨宜選用操守
有功壹體陞賞事例委官前去該城公同守備
官如數召募舍餘軍餘候築堡蓋房完日安插
居住收支月糧缺少盜甲什物官庫查給該用
把總管貼隊官旗另行推選管理約束操守防
禦騎操馬匹照常估買給發外緣係安設兵馬
防禦虞患以明烽堠以固地方事理開坐具本
事差謹具題為此謹題

知

計開估計過懷安城李信屯新築土堡壹座設
蓋公廨倉場軍士營房該用木鐵等料共
銀壹千叁拾柒兩壹錢柒分壹釐

一築堡并公廨倉場及各軍營房地地基通行
街巷堡牆根脚外圍壕斬南北長東西闊
共地貳頃內有餘丁王爾等屯田地柒拾
畝軍餘常玉等地畝糧等地壹頃叁拾畝
應於本城迤西拾里灘草場地內照畝數
易換撥給

一堡牆地基肆百每面內除壕斬壹丈伍尺

壕堰至牆根壹丈伍尺共叁丈週圍該修
牆垣肆百肆拾丈根闊貳丈收頂壹丈貳
尺高壹丈捌尺梁口陸尺肆角仍築敵臺
瓮城修工人夫於本城操備官軍除有馬
架梁防護外其死馬并步司雜役等項軍
士及借情懷保貳衛屯田空閑舍餘分爲
兩班編定旗伍委官管領伍日壹換其把
條着落守備周鏞管領前項人夫前去產
有地方採打堡門貳合堡門樓壹間角鋪
肆間合用木植鐵料共銀陸拾伍兩貳錢

捌分

一公廨正廳後堂廚房掾房軍牢房大門前
後共房壹拾伍間共銀陸拾叁兩玖錢肆
分伍釐

一倉場貳處廩房門樓官廳房壹拾玖間合
用物料銀壹百叁拾柒兩陸錢貳分

一教場南北長壹百伍拾步東西闊壹百伍
拾步該地玖拾叁畝柒分伍釐亦於拾里
灘草場地內照畝撥給其演武廳房叁間
并旗杆共銀壹拾伍兩貳錢伍分

一本堡西北與天城交界東西沙河一帶居中流水南北抵山達賊由此進入今於其河兩岸南就石崖山立臺壹座北在河岸立臺壹座抵臺往北修壘邊牆壹道深挑壕塹至山崖斬削之處堪以拒虜經行其牆共長伍拾丈及看得朱家屯西梁并圍山迤西石梯山俱四望遼遠合立墩臺貳座以便傳接亦用前項人夫修築肆墩房屋照依堡門樓鋪木植每間值銀貳兩伍錢叁分共銀壹拾兩壹錢貳分

一打造鐵用米叁拾捌石柒斗伍升用銀壹拾貳兩玖錢壹分陸釐

一防守軍士叁百名查照兵部題

准事例召募本處舍餘軍餘安插居住每名營房貳間共陸百間共用銀柒百叁拾貳兩

一磚瓦石灰本處燒造

一各色匠役查取本處軍匠於預備倉每名日支口糧壹升伍合

嘉靖拾叁年拾月拾柒日

卷之十三

